

<http://www.geojournals.cn/georev/ch/index.aspx>

追悼劉輝泗先生

高平

二十六年冬，余奉調入江西地質調查所工作；時贛北戰事緊張，所址遷移萍鄉安源鎮之葛仙寺，下車伊始，即與劉君輝泗相遇於葛仙寺下之山坡，君方自贛南調查歸來，暢談野外所見，滔滔不絕。及相處日久，尤慕其稟性真摯，待人誠坦，不但對工作極為勤勞，且對於所中瑣事及同事生活，均極關心，遇事相商，遂成莫逆。

是年八月，南昌危急，本所奉令停辦，時所內同人，仍不顧一切，繼續工作。君仍首先冒險前往餘干萬年一帶調查，其臨事不苟之精神，最為同人所稱道。而本所亦卒能因工作之表現，得以渡過難關，恢復原狀。

二十八年春，余與君同赴吉水永豐一帶調查，日夕相偕，見其工作之過分努力，而對日常生活之過分儉約，曾善言規勸，君因告余自求學以迄於今，均極刻苦，在贛南調查時，適值所中經費支絀，調查旅費籌措困難，故食無葷腥，行無隨役，極度節省冀將有限旅費，多獲得野外若干資料。余深為歎服。

本所數年來，無日不在風雨飄搖中，地質工作，率不為人所重視，而開發礦產之使命，又時加諸吾人之肩，二十九年春，君受命重勘樂平衆家街鎂鐵，旋即設廠採煉，君被任兼廠主任職，迨籌備就緒，鎂粉已開始出貨，君堅決辭去，重返崗位，旋赴上饒南鄉調查煤田地質，備極詳盡。三十年夏，君復受

命仍赴樂平，主持金鑛探勘，旋成立採金廠，君兼任廠長，以採爲探，遍及贛東北諸縣。是年夏，敵寇侵擾浙贛，樂平被圍，本所及採金廠全人之在贛東北被圍者，有十餘人之多，君不避艱險，領導全人，繼續工作，被圍逾月，工作固未嘗一日停頓也。

三十二年二月初旬，君微感不適，猶逐日到所工作，無何病勢漸增，遂從友人之勸終日臥床休養，迄是月二十四日，君猶勉力扶杖徐步來所，辦理樂安江採金廠結束事務，余觀君面色憔悴，知病象已深勸其住醫院診治，次日即入豫章醫院，檢查血液，斷爲傷寒，迨至二十八日夜，突然幻倒，腸破出血，延至次日午刻，竟溘然長逝。

君關於地質方面著作已出版者凡十四種，茲列述如下：

1. 臨川展坪附近地質 江西地質鑛業調查所年報第四期
2. 崇仁諸源煤田地質 同前
3. 南城塔山地質 同前
4. 資谿嵩市石墨礦地質 同前
5. (陶友松同作) 南城何家邊陳家邊一帶地質鑛產 江西地質鑛業調查所年報第四期
6. (陳國達同作) 江西貢水流域地質 江西地質調查所地質彙報第三號
7. (王超翔同作) 南昌進賢間地質鑛產 全前
8. (王超翔同作) 東鄉金谿間地質鑛產 全前
9. (夏湘蓉同作) 德興縣鑛產誌 全前第三號
10. (王超翔同作) 萬年餘江間地質鑛產 全前第四號
11. 永豐吉水間地質鑛產 全前第五號

- 12(李超同作)樂平縣桑埠街銅礦 全前
13玉山貴谿間地質 全前第六號
14(夏湘蓉同作)江西樂安江之金砂 地質論評第四卷第三
四合期

君在贛東北一帶足跡殆遍，惜報告尚未全部整理發表。君志懷遠大，嘗言吾儕地質工作同人，如欲深究地層古生物學，必先對於生物學下一番工夫；習岩石鑛物學者，對化學物理，必須有高深之研究，至習構造地質者，則求高等數學及物理，更須有深造，始得有所成就，故君嘗好學不倦，方冀名山千卷、成一家言，豈料壯志未酬，遽爾朝露。

抗戰七載，與君共事一堂，五年來，復承相與策劃，使本所各項工作，得以順利推進。今劉君已矣，臨風雪涕，挽救無從，余及本所同人，哀悼之餘，謹誓以最大努力，繼續研究江西地質，以完成君未竟之志，使君死而有知，亦可稍慰於泉下也。

